

e-nyrsio

e-nursing



Mehefin 2021

CROESO I'R E-GYLCHLYTHYR NYRSIO

Nod ein cylchlythyr yw sicrhau bod pawb yn ymgysylltu ac yn cael y wybodaeth ddiweddaraf am y cynnydd o ran safoni a digideiddio dogfennau nyrsio, a'r rhaglen Cofnod Gofal Nyrsio (ysbyty) Cymru newydd.

Mae cofnod Gofal Nyrsio Cymru bellach yn fyw!

Mae Cofnod Gofal Nyrsio Cymru (WNCR) yn fyw yn swyddogol, gan nodi dechrau ffordd ddigidol, newydd sbon o weithio i nyrsys yng Nghymru.

Ar 19 Ebrill, dechreuwyd ar y gwaith o gyflwyno'r dogfennau ar-lein newydd mewn safleoedd yng Nghymuned De Sir Benfro, Castell-nedd Port Talbot, a Chanolfan Ganser Velindre. Yn fuan fe'u dilynwyd gan Ysbyty Cyffredinol Llwynhelyg ar 27 Ebrill.

Mae'r adborth cynnar wedi bod yn rhagorol, gyda llawer o nyrsys yn gadarnhaol ynghylch pa mor hawdd yw WNCR i'w ddefnyddio a pha mor fuddiol y bydd i'w rôl.

Mae'r fersiwn mwyaf newydd o WNCR (fersiwn 2.0) yn cynnwys gwelliannau ac ychwanegiadau sylweddol yn dilyn adborth gan nyrsys ar y wardiau peilot, gan sicrhau bod WNCR yn gweddu i anghenion nyrsys ledled Cymru.

Mae'r gwelliannau'n cynnwys; ychwanegu swyddogaeth adroddiadau nyrsio i ddal diweddariadau neges destun rhad ac am ddim, ailddefnyddio data'n well, gwelliannau gweledol i'w wneud yn haws i'w ddefnyddio, datrysiaid

Mae rhagor o weithrediadau yng Nghastell-nedd Port Talbot, Bwrdd Iechyd Addysgu Powys a Bwrdd Iechyd Prifysgol Cwm Taf Morgannwg wedi'u cynllunio ar gyfer mynd yn fyw yn gynnar yn yr haf, gyda sefydliadau eraill yn cynllunio ar gyfer rhyddhau WNCR yn ddiweddarach yn 2021, i gyd-fynd â gweithgareddau lleol.

Mae'r fersiwn nesaf o WNCR (2.1) hefyd wedi hen ddechrau a bwriedir iddo fod ar gael i'w brofi gan ddefnyddwyr bwrdd iechyd/ymdiriedolaeth fis Mai.

Mae'r prosiect wedi recriwtio tîm o Hwyluswyr Newid Busnes cenedlaethol i helpu i gefnogi'r gweithredu ledled Cymru, sy'n gweithio gyda'ch Nyrsys Gwybodeg Glinigol leol i ddarparu cyfres o offer e-ddysgu i helpu i gefnogi hyfforddiant ar WNCR.

Mae'r prosiect yn parhau i ymgysylltu â chydweithwyr ledled Cymru ar gyfres o gynnwys clinigol newydd, safonol, Cymru gyfan ar ffurf 16 e-ddogfen newydd, gan gynnwys siart bywyd, cofnod asesu gofal clwyfau, asesiad gofal ceg, asesiad eiddilwch, cynlluniau gofal a llawer mwy.

**Ydych chi wedi bod yn defnyddio'r WNCR ar eich ward?
Gadewch i ni wybod beth rydych chi'n feddwl, rhowch
adborth neu awgrymiadau trwy lenwi arolwg cyflym.
Sganiwch y cod QR isod neu [gliciwch yma](#).**

parhad busnes sy'n rhoi mynediad at ddata
WNCR os na fydd y rhaglen ar gael, a
newidiadau asesu yn deillio o adborth peilot.



Gweledigaeth WNCR:

“Mae nyrsys, bydwagedd ac aelodau tîm aml-broffesiynol yn hyderus ac yn gymwys i ddefnyddio'r WNCR. Maent yn defnyddio'r data o'r WNCR i arwain gwelliannau a dysgu ar draws sefydliadau ym maes lechyd a Gofal yng Nghymru, gan wella canlyniadau a phrofiadau cleifion. Mae cleifion yn derbyn gofal di-dor a gall cleifion a staff symud ar draws gwasanaethau yng Nghymru gan ddefnyddio'r un system WNCR.”



Edrych i'r Dyfodol

Wrth i ni symud i gam dau Cofnod Gofal Nyrsio Cymru a'i weithrediad ledled Cymru rydym hefyd wedi nodi'r gyfres nesaf o ddogfennau a fydd yn cael eu safoni a'u hychwanegu at Gofnod Gofal Nyrsio Cymru fel y manylir.

Cysylltwyd â'r holl grwpiau arbenigol amlddisgyblaethol cenedlaethol a hyd yma rydym wedi derbyn argymhellion gan 4 grŵp cenedlaethol sy'n mynd trwy'r broses gymeradwyo ar hyn o bryd o fewn Byrddau lechyd ac Ymddiriedolaethau. Bydd yr holl ddogfennau'n cael eu cymeradwyo gan y Cyfarwyddwyr Nyrsio, pan fo dogfennau'n amlddisgyblaethol byddant hefyd yn cael eu cymeradwyo gan Gyfarwyddwyr Therapiau a Chyfarwyddwr Meddygol i sicrhau bod asesiadau ac offer priodol yn cael eu gweithredu ledled Cymru.

- Siart Ysgarthion Bryste
- Siart Hylif
- Asesiad Gofal y Geg
- Siart Glwcos yn y Gwaed
- Asesiad Eiddilwch Cymru Gyfan
- Cathetr Wrinol / Bwndel Gofal
- Siart Bwyd
- Mynediad Mewnwythiennol / Bwndeli Gofal
- Siart Ailosod
- Sepsis 6
- Gofal Clwyfau
- Cynlluniau gofal
- Atal Heintiau RA
- Penderfyniadau Gofal Diwedd Oes
- Offeryn Cefnogi Penderfyniadau (DST)
- Cynllunio ar gyfer Rhyddhadu

- Asesiad ymataliaeth estynedig

Y prosiect WNCR wedi ennill nifer o wobrau

Enillodd trawsnewidiad cenedlaethol dogfennaeth nyrsio wobwr gan y Nursing Times 2020 fis Tachwedd.

Enillwyd y wobwr yn y categori 'Technoleg a Data ym maes Nyrsio'.

Dywedodd Fran Beadle, Arweinydd Gwybodeg Glinigol Cenedlaethol ar gyfer Nyrsio, mai prif gyflawniad y prosiect fu cynhyrchu "iaith nyrsio safonol wedi'i chymeradwyo'n genedlaethol sydd wedi galluogi datblygu plattform digidol cenedlaethol sy'n cefnogi nyrsio ar sail tystiolaeth er mwyn gwella canlyniadau a gofal am ddinasyddion Cymru".

Ychwanegodd Claire Bevan, Uwch Berchennog Cyfrifol y Prosiect, "Mae wedi bod yn ymdrech tîm gwych gan bawb. Mae'r ffordd y mae pawb wedi dod at ei gilydd ac wedi rhoi cleifion wrth wraidd y gwaith er mwyn gwella prosesau gofal nyrsio wedi cael argraff fawr arna i."



Awgrymiadau defnyddiol



Cadwch lygad am yr eicon ar y chwith, bydd hwn yn ymddangos ar eich bwrdd gwaith ac yn mynd â chi'n uniongyrchol i mewn i'r rhaglen Cofnod Gofal Nyrsio Cymru.



Mae [Canllaw Defnyddiwr Cofnod Gofal Nyrsio Cymru](#) bellach ar gael i chi ei ddefnyddio. Bydd y canllaw hwn yn rhoi pwynt cyfeirio i chi wrth ddefnyddio'r system.

Fideo tystebau peilot



Cyfarfod ag aelodau newydd y tîm



Anna Harries

Uwch Nyrs, Safonau Proffesiynol - Ymddiriedolaeth GIG Prifysgol Velindre

Anna.Harries@wales.nhs.uk

Anna Harries yw'r Uwch Nyrs ar gyfer safonau Proffesiynol a digidol yn Ymddiriedolaeth GIG Prifysgol Felindre. Mae hi wedi bod yn y swydd ers ychydig dros flwyddyn (do, symudodd ei rôl yn ystod pandemig COVID-19).

Dyma ei rôl gorfforaethol gyntaf ac mae Anna wedi dysgu cymaint mewn amser byr iawn. Gan ei bod yn rhan o sefydliad llai, mae'n cyflawni sawl rôl yn ystod y dydd.

Mae gyrfa Anna hyd yma wedi arwain at hyn, o gefndir clinigol iawn fel ymarferydd nyrsio Uwch i rôl Metron... bob dydd rydych chi'n cynllunio "tasg" ac yn ddi-ffael mae'r cynllun yn newid. Mae addasu'n rhan o'i rôl ac mae Anna'n mwynhau'n fawr yr her o fod yn barod i ddelio ag unrhyw beth neu addasu yn ôl y galw.



Elizabeth Williams

Uwch Fetron Swyddog Gwybodeg Nyrsio Clinigol - Bwrdd Iechyd Prifysgol Bae Abertawe

Elizabeth.Williams13@wales.nhs.uk

Mae gan Elizabeth Williams yrfa amrywiol gydag arbenigedd nyrsio mewn meysydd fel Meddygaeth, Gofal Dwys, Adran Achosion Brys, Cardiolleg a Chyhyrsgeryddol.

Treuliodd y 9 mlynedd diwethaf mewn ystod o rolau uwch o fewn Gofal Eilaidd a Sylfaenol a Chymunedol. Gwêl ei rôl fel nyrs Ddigidol fel un sy'n hwyluso llif gwybodaeth a digwyddiadau rhwng y meysydd clinigol a digidol gan sicrhau mai diogelwch cleifion yw'r flaenoriaeth o hyd.

Mae Elizabeth yn teimlo'n gyffrous am ddechrau'r rôl hon wrth i ni lansio WNCR sy'n trawsnewid dogfennau nyrsio.



Peggy Edwards

Prif Swyddog Gwybodaeth Nyrsio - Bwrdd Iechyd Prifysgol Aneurin Bevan

Peggy.Edwards@wales.nhs.uk

Peggy Edwards yw Prif Swyddog Gwybodaeth Nyrsio Bwrdd Iechyd Prifysgol Aneurin Bevan, ei chefnidir yw theatrau a nyrsio Uned Therapi Dwys ond mae wedi bod yn gweithio ym maes diogelwch cleifion ers nifer o flynyddoedd ac yn fwy diweddar yn y maes digidol i Wasanaeth Gwybodeg GIG Cymru (NWIS).

Mae Peggy yn awyddus i sicrhau bod safoni a digideiddio dogfennau nyrsio yn golygu y bydd gan nyrsys lais cyfartal yn y byd digidol a bod gofal cleifion yn cael ei wella a'i gefnogi gan y fenter hon.



Helen Thomas

Nyrs Glinigol Arbenigol Gwybodeg - Bwrdd Iechyd Prifysgol Hywel Dda

Cymhwysodd Helen fel Nyrs Gofrestredig ym 1987 yng Nghaerdydd. Ar ôl ennill profiad mewn Oncoleg a Meddygaeth Gyffredinol mae wedi treulio rhan helaeth ei gyrfa yn y gymuned fel Nyrs Ardal ac fel Nyrs Arbenigol Gofal Hirdymor.

Wedi newid cyfeiriad, bu Helen yn gweithio fel Nyrs Glinigol Arbenigol Ymchwil yn gweithio ar ac yn cefnogi gweithredu nifer o Astudiaethau Ymchwil Glinigol o fewn y Bwrdd Iechyd.

Fe wnaeth ei diddordeb mewn Gwybodeg ei galluogi i ennill Diploma Ôl-raddedig mewn

helen.thomas23@wales.nhs.uk



Cheryl Lewis

**Informatics Clinical
Nurse Specialist -
Velindre University
NHS Trust**

Cheryl.Lewis@wales.nhs.uk

Gwybodeg lechyd yn 2010 ac yn ddiweddar fe'i penodwyd yn Nyrs Glinigol Arbenigol (CNS) Gwybodeg i Fwrdd lechyd Prifysgol Hywel Dda, i gefnogi'r tîm prosiect lleol a chenedlaethol i weithredu'r WNCR.

Ers cymhwyso fel nyrs gofrestredig o Brifysgol Caerdydd yn 2008, mae Cheryl wedi cael ei chyflogi gan Ymddiriedolaeth GIG Prifysgol Felindre. Trwy gydol ei gyrfa mae wedi ennill gwybodaeth a phrofiad helaeth o ofalu am gleifion oncoleg ar bob cam o'u taith gyda'r afiechyd.

Cwblhaodd Cheryl ei MSc mewn Ymarfer Proffesiynol yn 2017 ac yn ddiweddar bu'n ymwneud â chefnogi cyflwyno rhestr ddyletswyddau staff electronig yn Felindre. Dechreuodd ei rôl fel Nyrs Glinigol Arbenigol Gwybodeg fis Ionawr 2021 yn cefnogi gweithrediad y WNCR.



Nigel Broad

**Nyrs Glinigol
Arbenigol Gwybodeg -
Ymddiriedolaeth GIG
Prifysgol Felindre**

Nigel.Broad@wales.nhs.uk

Cymhwysodd Nigel fel nyrs gofrestredig ym 1989 yn Ysbyty Cyffredinol Castell-nedd a bu'n gweithio ym maes llawfeddygaeth gyffredinol am gwpl o flynyddoedd cyn symud i weithio yng Nghanolfan Llosgiadau a Llawfeddygaeth Blastig Cymru yng Nghas-gwent ym 1993, cyn i'r ganolfan symud i ysbyty Treforys ym 1994. Gweithiodd yno am 20 mlynedd yn arwain ar sawl rhaglen newid lwyddiannus. Yna symudodd i Bowys fel uwch nyrs ac mae wedi gweithio fel rheolwr gwasanaethau cymunedol De Powys hyd at ddiwedd 2020 pan ymddeolodd o'r rôl honno.

Dechreuodd Nigel ar ei swydd fel Nyrs Glinigol Arbenigol Gwybodeg fis Ionawr ac mae eisoes yn mwynhau'r heriau newydd a ddaw yn ei sgil.



Deborah O'Sullivan

**Nyrs Glinigol
Arbenigol Gwybodeg -
Bwrdd lechyd
Prifysgol Caerdydd a'r
Fro**

Deborah.OSullivan@wales.nhs.uk

Cymhwysodd Deborah fel Nyrs Gofrestredig o Brifysgol Middlesex yn 2001 a dechreuodd weithio ar ward lawfeddygol aciwt. Aeth ymlaen i ennill BSc mewn nyrsio o ysgol Nyrsio a Bydwreigiaeth St Bartholomew, a bu'n gweithio mewn amryw o feysydd clinigol gan gynnwys Llawfeddygol, Meddygol ac Orthopedeg.

Yn 2006 dechreuodd Deborah weithio i Fwrdd lechyd Prifysgol Caerdydd a'r Fro mewn Meddygaeth frys, ac yna symudodd i Nyrsio Radioleg Ymyriadol.

Mae gan Deborah ddiddordeb mawr mewn gwella gwasanaethau, ac mae wedi bod yn gysylltiedig â datblygu llwybrau gofal, dogfennaeth a chynllunio gofal yn ei rolau blaenorol. Daeth ei hystod eang o brofiad nyrsio a'i hangerdd dros ysgogi newid â hi i'w rôl fel Nyrs Glinigol Arbenigol Gwybodeg, ac mae wedi ymuno â'r tîm sy'n cyflwyno WNCR.

Cymhwysodd Tracy fel nyrs gofrestredig yn 2005 o Brifysgol Abertawe. Treuliodd ddeng mlynedd gyntaf ei gyrfa yn gweithio ar ward gardioleg drydyddol yn derbyn cleifion o bob rhan o Dde Orllewin Cymru. Yn 2015 ehangodd ei gornellion a chymryd rôl cydlynedd MINAP ym Mwrdd lechyd Prifysgol Abertawe Bro Morgannwg, gan weithio



Tracy Jones

**Nyrs Glinigol
Arbenigol Gwybodeg -
Bwrdd Iechyd
Prifysgol Bae
Abertawe**

Tracy.Jones9@wales.nhs.uk

ar draws dau safle ysbyty yn coladu a mewnbynnu data archwilio ar gyfer pob claf Syndrom Coronaidd Acíwt (ACS), gan fwydo hwn yn ôl i dimau lleol ac i'r gwasanaeth ambiwlans.

Yn 2016 daeth Tracy yn nyrs drosglwyddo o fewn y tîm TOCALLS amlddisgyblaethol ar gyfer Ysbyty Castell-nedd Port Talbot, gan weithio ar draws y bwrdd iechyd yn ymweld â phob safle aciwt, gan gynnal asesiadau eiddilwch a chynghori ar gynllunio ar gyfer rhyddhau, rôl a oedd hefyd yn cynnwys dilyn cleifion i'w cartrefi a chysylltu â gwasanaethau cymunedol. Yn 2018, daeth yn ôl at ei gwreiddiau a daeth yn brif nyrs/rheolwr ward ar ward gardioleg drydyddol aciwt. Roedd y swyddi hyn yn galluogi Tracy i weld yr amrywiaeth eang o ddogfennau nyrsio a ddefnyddir o ward i ward ar draws tri bwrdd iechyd yng Nghymru ac i ddeall manteision safoni a sut y bydd hyn yn gwella gofal cleifion.

Bydd Tracy yn dechrau ar ei swydd fel Nyrs Arbenigol Gwybodeg yn fuan ac mae'n edrych ymlaen at yr heriau a'r gwobrau a ddaw yn sgîl y rôl hon.

Dechreuodd gyrfa nyrsio Mari ym 1985 pan ddechreuodd ar ei hyfforddiant yn Ysgol Nyrsio Glan Clwyd, gan ennill ei chymhwyster Nyrs Gyffredinol Gofrestredig ym 1988. Gweithiodd am gyfnod byr ar ward lawfeddygol, cyn cymryd seibiant bach o'r GIG i ddechrau teulu, ac yna dychwelyd i'r GIG ar ôl cyfnod o 3 blynedd, i Ysbyty Cymunedol Rhuthun i ddechrau, yna yn ôl i'r lleoliad aciwt ar Ward 11, ward feddygol aciwt brysur sy'n arbenigo mewn meddygaeth anadlol. Roedd gan Mari rhan weithredol yn y broses o gyflwyno a datblygu gwasanaeth Cymorth Anadlu Anfewnwithiol llwyddiannus dan arweiniad nyrsys ar y ward, ac mae wedi dysgu'r pwnc fel rhan o gwrdd gradd a gynigir gan Brifysgol Bangor.

Daeth profiad cyntaf Mari fel Band 7 pan gafodd y cyfle i reoli ward a oedd yn methu am gyfnod o 6 mis, gan newid diwylliant y ward yn llwyddiannus, ac adfer balchder yn y staff gan arwain at welliannau sylweddol yn y safonau gofal i ddefnyddwyr y gwasanaeth. Ar ôl dychwelyd i Ward 11, secondiwyd Mari fel Rheolwr y Ward, ac fe ddaeth y swydd yn barhaol yn 2015.

Am resymau personol, gwnaeth Mari y penderfyniad anodd i adael ei rôl glinigol ddechrau 2020, a threuliodd 6 mis yn gweithio ochr yn ochr â'r tîm Llywodraethu Clinigol, cyn i'r cyfle i ymgymryd â rôl Nyrs Glinigol Arbenigol Gwybodeg godi. Mae Mari bob amser wedi croesawu newid, yn enwedig esblygiad ffyrdd digidol o weithio o fewn y GIG, ac wedi annog yn weithredol y defnydd o'r systemau Aura a Stream o fewn amgylchedd y ward.

Cred Mari bod ei rôl bresennol yn ddilyniant naturiol i'w diddordeb yn y ffyrdd digidol o weithio, ac mae'n teimlo'n gyffrous i fod yn rhan o'r prosiect hwn sydd wedi ennill sawl gwobr. Mae'n hyderus y bydd ei phrofiad clinigol a'i dealltwriaeth cydymdeimladol o'r pwysau sy'n wynebu staff clinigol ar y wardiau yn gymorth i ymgysylltu gyda'r staff.



Mari Williams

**Nyrs Glinigol
Arbenigol Gwybodeg -
Bwrdd Iechyd
Prifysgol Betsi
Cadwaladr**

Mari.W.Williams@wales.nhs.uk



Sue John

**Dadansoddwr Newid
Busnes Digidol -
Bwrdd Iechyd
Addysgu Powys**

Sue.John2@wales.nhs.uk

Mae Sue wedi gweithio ym maes Llywodraeth Leol ers 1986, gan weithio'n bennaf o fewn Cyfarwyddiaeth Adfywio a'r Amgylchedd CBS Blaenau Gwent. Yn ystod yr amser hwn, enillodd Radd Meistr mewn Gweinyddu Busnes (MBA) a chafodd ei secondio i wasanaeth cymorth busnes Llywodraeth Cymru am 7 mlynedd fel Rheolwr Llygaid Busnes Blaenau Gwent.

Yn dilyn hyn, penodwyd Sue yn Rheolwr Prosiect Gweithfeydd, sy'n brosiect adfywio gwerth £350 miliwn yng Nglyn Ebwy, gan gymhwyso fel Ymarferydd Prince2 yn 2011. Ymunodd Sue â Bwrdd Iechyd Prifysgol Aneurin Bevan fel Uwch Reolwr Prosiect yn 2019 a chychwynnodd swydd Dadansoddwr Newid Busnes Digidol gyda Bwrdd Iechyd Addysgu Powys fis Ionawr eleni ar gyfer cyflwyno WNCR ym Mhowys.

Mae profiad Sue o reoli prosiectau, ymgysylltu â rhanddeiliaid a gweithredu prosiectau yn ychwanegu ymhellach at brofiad helaeth y Tîm.



Katie Craig

**Arbenigwr Cynnyrch
Digidol - Bwrdd
Iechyd Prifysgol Bae
Abertawe**

Katie.Craig@wales.nhs.uk

Mae Katie wedi gweithio yn y GIG ers mis Medi 2016 ac fe'i penodwyd yn Arbenigwr Cynnyrch Digidol i gefnogi gweithredu Cofnod Gofal Nyrsio Cymru ym Mwrdd Iechyd Prifysgol Bae Abertawe.

Mae Katie wedi cefnogi gwahanol brosiectau mewn Gwasanaethau Digidol fel Attend Anywhere a rhagnodi electronig; mae hyn wedi caniatáu iddi weld drosti ei hun pa mor bwysig yw'r newid i ddigidol ac mae hyn wedi datblygu ei hangerdd dros gefnogi clinigwyr gyda'r newid hwn.



Lowri Roberts

**Rheolwr Cymorth
System - Bwrdd
Iechyd Prifysgol Betsi
Cadwaladr**

Lowri.A.Roberts@wales.nhs.uk

Fel Rheolwr Cymorth System i Fwrdd Iechyd Prifysgol Betsi Cadwaladr (BCUHB), mae Lowri yn gweithio ar ystod o atebion system a meddalwedd i gefnogi cydweithwyr ar draws y sefydliad.

Ymunodd â thîm Gwybodeg BCUHB 3 blynedd yn ôl a chafodd gyfle i weithio ar ystod o brosiectau digidol gan gynnwys System Gweinyddu Cleifion Cymru (WPAS) a Phorth Clinigol Cymru (WCP).

Yn fwy diweddar, mae Lowri'n cefnogi Cofnodion Gofal Nyrsio Cymru o safbwynt cymorth gweithredol TGCh ac yn mwynhau'r cyfle i fod yn rhan o brosiect cenedlaethol trawsnewidiol gwych.

Dechreuodd Cerian gyda Gwasanaeth Gwybodeg GIG Cymru yn 2016 gan weithio i ddechrau yn nhîm Cymorth Porth Clinigol Cymru (WCP), gan ennill gwybodaeth helaeth am seilwaith a chymwysiadau digidol GIG Cymru. Ers 2019, mae Cerian wedi bod yn aelod o'r tîm Trawsnewid Gwasanaeth, yn cefnogi staff clinigol ar draws yr holl fyrddau iechyd wrth gyflwyno Trawsgrifio Meddyginiaethau ac E-ryddhau (MTED), Gwneud Cais Electronig (ETR) ac WCP Mobile.

Cyn gweithio yn yr hyn a elwir bellach yn Iechyd a Gofal Digidol Cymru (DHCW), roedd Cerian yn ddatblygwr cronfa ddata, ac ar ôl gweithio yn y sector preifat mewn rolau technegol a hyfforddi

Cerian John

**Uwch Hwylusydd
Newid Busnes
(Ymgysylltu) - Iechyd
a Gofal Digidol Cymru**



Cerian.John@wales.nhs.uk

Constant Contact

am 15 mlynedd roedd hi'n teimlo y byddai ei sgiliau o fudd i gefnogi staff rheng flaen GIG Cymru i ddarparu taith ddi-dor i gleifion, pa le bynnag oedd eu triniaeth.

Angerdd Cerian dros dechnoleg a'r GIG sy'n ei hysgogi i ddod o hyd i ffyrdd i annog staff wrth iddynt drosglwyddo i atebion digidol ar gyfer GIG Cymru ac mae hi'n gyffrous i fod yn rhan o brosiect WNCR.



Denise Buckley

Hwylusydd Newid Busnes (e-Ddysgu) - Iechyd a Gofal Digidol Cymru

Denise.Buckley@wales.nhs.uk

Ymunodd Denise Buckley â'r tîm yn ddiweddar ar ôl gweithio ym Mhrifysgol Metropolitan Caerdydd am 11 mlynedd fel Swyddog Datblygu Dysgu, yn arbenigo mewn e-Ddysgu.

Cyn symud i Gymru, roedd Denise yn byw yn Nulyn ac yn gweithio fel Prif Hyfforddwr TGCh ym Mhrifysgol Dechnolegol Dulyn am 6 blynedd lle cwblhaodd ei MA mewn Dysgu ac Addysgu hefyd. Mae Denise hefyd wedi byw yng Ngogledd a De Carolina (tra roedd ei gŵr yn ymgymryd â Chymrodoriaeth mewn Orthopedeg) ac roedd hi'n dysgu TGCh mewn coleg Technegol ac mewn ysgol gynradd.

Mae hi'n athrawes gymwys gyda'r British Wheel of Yoga ac mae hi wedi dysgu yoga ers 2006 ac ar hyn o bryd yn ymgymryd ag ail radd Meistr, y tro hwn mewn Athroniaeth ym Mhrifysgol Cymru y Drindod Dewi Sant. Ei chariad cyntaf yw ei theulu a'r ail yw dysgu! Mae hi wedi cwblhau Marathon Dulyn a hanner Marathon Ultra y Fro yn 2019 ac wedi codi dros £4,000 i elusennau yng Nghymru a Lloegr.



Scott Franklin

Hwylusydd Newid Busnes (e-Ddysgu) - Iechyd a Gofal Digidol Cymru

Scott.Franklin2@wales.nhs.uk

Ymunodd Scott â Iechyd a Gofal Digidol Cymru yn ddiweddar fel aelod o'r Tîm Newid Busnes gyda ffocws ar E-ddysgu ar gyfer y prosiect Cofnod Gofal Nyrsio Cymru (DCHW). Symudodd i Gymru i'r Brifysgol, gan astudio Microbioleg ym Mhrifysgol Caerdydd, ac fe ddefnyddiodd ei ddiddordebau mewn gwneud ffilmiau a golygu i greu offer ymgysylltu gwyddonol. Gweithiodd i'r sector preifat gan ddod yn rhan o ddysgu a datblygu ynghyd ag ymdrin â chwynion.

Symudodd i'r diwydiant Ynni, lle bu'n ymdrin eto â chwynion yn ogystal â sbarduno datblygu prosesau ac optimeiddio o fewn ei adran. Ar ôl blwyddyn o wneud gwaith fel darlunydd annibynnol; gan weithio gyda bandiau, perfformwyr ac athrawon, mae Scott wedi ymuno â DCHW.

O fewn ei rôl, mae'n gobeithio darparu cefnogaeth a gwelliannau ansawdd bywyd i'r bobl y bydd yn cael cyfle i gwrdd â nhw a gweithio gyda nhw.

Mae Katherine wedi ymuno â Cofnod Gofal Nyrsio Cymru (DHCW) ar ôl deng mlynedd yn gweithio mewn llyfrgelloedd cyhoeddus ac ysgolion, yn rheoli digwyddiadau, adnewyddiadau a gwasanaethau ymchwil. Mae hi wedi dod â'i



Katherine Whittington

**Swyddog Prosiect -
Iechyd a Gofal Digidol
Cymru**

Katherine.Whittington@wales.nhs.uk

Constant Contact

sgiliau gweinyddol a threfnu i GIG Cymru ac yn mwynhau'r her o weithio mewn prosiectau.

Roedd ei rôl Llyfrgellydd ddiweddaraf mewn astudiaethau lleol, felly mae ganddi bob math o wybodaeth a ffeithiau anghyffredin am hanes Caerdydd. Gall siarad am ddi-baid am lyfrau, mae hi wrth ei bodd â phaned, ac, ar ôl gweithio gyda phobl ifanc yn eu harddegau a phlant bach am nifer o flynyddoedd, mae'n barod am unrhyw beth.

Mae Katherine wedi ymuno â'r tîm fel Swyddog Prosiect - gan gefnogi cyfarfodydd, gweithredoedd a gweinyddiaeth yn ymwneud â digideiddio'r prosiect cofnodion nyrsio. Os bydd angen gwneud rhywbeth, mae'n siŵr braidd y gall Katherine eich helpu. Mae hi wrth ei bodd yn dysgu am GIG Cymru ac yn gyffrous i fod yn rhan o'r prosiect WNCR.

Ymunodd Adam â Iechyd a Gofal Digidol Cymru'n ddiweddar fel Rheolwr Cymorth Prosiect ar gyfer y Prosiect Cofnod Gofal Nyrsio Cymru (WNCR). Ei brif gyfrifoldeb yw cefnogi safoni'r dogfennau nyrsio.

Treuliodd Adam ei ugeiniau heb feddwl rhyw lawer am yrfa gan deithio ac yna setlo o'r diwedd yn Seland Newydd ac Awstralia. Er mor gyffrous oedd y cyfnod hwnnw, y realiti oedd iddo dreulio ei dair blynedd olaf yn gweithio mewn banc gan fynd yn gwbwl groes i'w holl egwyddorion. Yn y pendraw daeth yn ôl i Gymru a chanfod angerdd dros weithio ym maes tai a digartrefedd gan dreulio tua deng mlynedd mewn rolau amrywiol gan gynnwys Ymchwilydd a Rheolwr Prosiect.

Roedd ei rôl olaf yn y Wallich yn rheoli prosiect system rheoli achosion yn y cwmwl i Gymru gyfan ar gyfer bobl sy'n cysgu ar y strydoedd.

Mae ganddo ddiddordebau cwbl groes sy'n amrywio o eistedd ar y sofffa'n gwyllo teledu a ffilmiau gyda'i deulu, i ymgymryd â heriau fel marchogaeth i Baris, triathlonau a rhedeg hanner marathonaau.

Ar hyn o bryd mae'n ceisio cyrraedd pellter marathon, ond 'dyw ei gymalau gwan ddim wedi caniatâu hynny hyd yma. Mae'n falch iawn ei fod wedi ymuno â sefydliad mor rhyfeddol ac unigryw ac mae'n gobeithio y bydd ei brofiadau blaenorol yn gaffaeliad i'w dîm, tra hefyd yn cydnabod bod hwn yn amgylchedd gwych i ddysgu ac i uwchsgilio ynddo hefyd.



Adam Golten

**Rheolwr Cymorth
Prosiect - Iechyd a
Gofal Digidol Cymru**

Adam.Golten@wales.nhs.uk



Digital Health and Care Wales | Ty Glan-yr-Afon, 21 Cowbridge Road East, Pencoed,
Cardiff, Cardiff CF11 9AD United Kingdom

[Unsubscribe {recipient's email}](#)

[Update Profile](#) | [Constant Contact Data Notice](#)

Sent by dhcw-enquiries@communications.wales.nhs.uk powered by



Try email marketing for free today!